

К ОПУБЛИКОВАНИЮ

КОМИ РЕСПУБЛИКАЛӨН

ОЛАНПАС

Коми Республикаса Оланподулö вежсьöмъяс пыртöм йылысь

Примитöма Коми Республикаса

Каналан Сöветөн

2020 вося вöльгым тöлысь 26 лунö

1 статья. Пыртны Коми Республикаса Оланподулö (Коми Республикаса Медвылыс Сöветлөн индöд-тшöктöмъяс, 1994, 2 №, 21 ст.; Коми Республикаса канму власьт органъяслөн индöд-тшöктöмъяс, 1996, 1 №, 438 ст.; 2 №, 452 ст.; Республика, 1997, моз тöлысь 28 лун; Коми Республикаса канму власьт органъяслөн индöд-тшöктöмъяс, 1998, 5 №, 834 ст.; 9 №, 913 ст.; 914 ст.; 1999, 2 №, 1026 ст.; 8 №, 1135 ст.; 2000, 9 №, 1360 ст.; 10 №, 1383 ст.; 2001, 3 №, 1560 ст.; 6 №, 1630 ст.; 2002, 1 №, 1856 ст.; 9 №, 2071 ст.; 2003, 4 №, 2468 ст.; 8 №, 2608 ст.; 2004, 4 №, 3088 ст.; 10 №, 3467 ст.; 11 №, 3542 ст.; 2005, 12 №, 4114 ст.; 4115 ст.; 2006, 1 №, 4188 ст.; 9 №, 4542 ст.; 2007, 3 №, 4731 ст.; 8 №, 4931 ст.; 9 №, 4983 ст.; 12 №, 5270 ст.; 2008, 2 №, 7 ст.; 5 №, 206 ст.; 2009, 11 №, 168 ст.; 16 №, 258 ст.; 20 №, 350 ст.; 33 №, 606 ст.; 49 №, 986 ст.; 2010, 16 №, 299 ст.; 50 №, 1429 ст.; 2011, 37 №, 980 ст.; 2012, 31 №, 693 ст.; 2013, 10 №, 207 ст.; 41 №, 797 ст.; 2015, 7 №, 66 ст.; 20 №, 248 ст.; 2019, 18 №, 263 ст.) татшöм вежсьöмъяс:

1. 63 статьяса медводдза юкöнын:

1) «г» пункт гижны тадзи:

«г) публичной власьт котыртöм; оланпас пыртысь, олöмö пöртысь да ёрд власьтлөн федеральной органъяслысь тэчас, найöс котыртанног да налысь уджаланног лöсьöдöм; канму власьтлысь федеральной органъяс артмöдöм;»;

2) «е» пункт гижны тадзи:

«е) Россия Федерацияöс канму, экономической, экологической, научно-технологической, социальной, культурной да национальной сöвмöдан юкöнын федеральной политикалысь подувьяс да федеральной уджтасьяс лöсьöдöм; йöзлысь дзоньвидзалун видзан, быдтан-сöвмöдан да велöдан тэчасьясын, сы лыдын дугдывтöг велöдан тэчасын, öтувья инöда подувьяс лöсьöдöм;»;

3) «и» пункт гижны тадзи:

«и) федеральной энергетика тэчасьяс, ядерной энергетика, юксян материалъяс; федеральной транспорт, туйяс, юөр, юёртан технологияс да связь; ентыкёла удж;»;

4) «м» пункт гижны тадзи:

«м) дорйысянлун да видзчысянлун; дорйысянторъяс вөчөм-лэдзөм; оружие, боеприпас, военной техника да мукөд военной эмбур вузаланног да ньобанног урчитөм; пагөданторъяс, дурмөданторъяс вөчөм да наөн вөдитчанног; юёртан технологиясөн вөдитчигөн, цифра мыччөдъясөн вөдитчигөн мортлысь, йөзкотырлысь да канмулысь видзчысянлунсө могмөдөм;»;

5) «р» пункт гижны тадзи:

«р) метрология служба, стандартъяс, муртөг, муртас тэчас да кад арталөм; мусяр пертас туялөм да мусерпас тэчөм; иннимъяс сетөм; поводдя төдмалан служба, официальной статистика да бухгалтерия серти арталөм;»;

б) «т» пункт гижны тадзи:

«т) федеральной канму служба; канму да муниципальной чиньясын, канму да муниципальной служба чиньясын уджалөм вылө дзескөдөмъяс, сы лыдын дзескөдөмъяс урчитөм сы вөсна, мый эм суйөрсайса канмулөн гражданство либө сәні олөм вылө кабала либө Россия Федерацияса гражданинлөн суйөрсайса канму мутасын пыр олөм вылө инөд эскөдан мөд документ, а сідзжө дзескөдөмъяс урчитөм сы вөсна, мый Россия Федерацияса мутас сайын суйөрсайса банкьясын востөма тшөтъяс (вкладъяс), видзөны кивыв сьөм да озырлун.».

2. 64 статьяса медводдза юкөнын:

1) «д» пункт гижны тадзи:

«д) му озырлунөн вөдитчөм; видз-му овмөс; вөр-ва, сынөд да гөгөртаслысь сөстөмлун видзөм да экологиялысь өпастөмлун могмөдөм; торйөн видзана вөр-ва мутасьяс дөзьөритөм; история да культура памятникъяс видзөм;»;

2) «е» пункт гижны тадзи:

«е) челядьөс быдтөм-сөвмөдөмын, велөдөмын, наукаын, культураын, мортөс ёнмөдөмын да спортын, том йөз политикаын өтувьяс юалөмъяс;»;

3) «ж» пункт гижны тадзи:

«ж) йөзлысь дзоньвидзалун видзан удж ладмөдөм, сы лыдын судзана да тыр-бур медицина отсөг сетөм, йөзкотырлысь дзоньвидзалун видзөм да ёнмөдөм, дзоньвидза оласног нуөдан условиеяс артмөдөм,

гражданалысь асланыс дзоньвидзалун бӧрся кывкутана культура лӧсьӧдӧм; йӧзӧс социальнӧя дорйӧм, тшӧтш и социальнӧя могмӧдӧм;»;

4) содтыны татшӧм сюрӧса «ж¹» пункт:

«ж¹) аскотырӧс, мамлун, батылун да челядьдыр дорйӧм; гӧтрасян институт кызди айлысь да анылысь ӧтувлун дорйӧм; челядьӧс семьяын бура быдтан-сӧвмӧдан, а сӧдзжӧ тыр арлыда челядьлӧн баты-мам вӧсна тӧждысьӧм могысь условиеяс лӧсьӧдӧм;».

3. 75 статьяса медводдза юкӧнын «Коми войтыр» дӧнмукоствса ӧтйӧза ӧтмунӧмлы, Россия Федерацияса Федеральнӧй Собрание лӧн Федерация Сӧветӧ пырысьяслы» кывъяс вежны «Коми войтыр» коми йӧзлӧн дӧнмукоствса ӧтйӧза ӧтмунӧмлы, Россия Федерацияса сенаторьяслы» кывъясӧн.

4. 81 статьяса мӧд юкӧн гижны тадзи:

«Коми Республикаса Юралысьӧн вермас лоны Россия Федерацияса пыр олысь гражданин, кодлы тырӧма нин 30 арӧс, кодлӧн абу суйӧрсайса канмулӧн гражданство либӧ сӧнӧ олӧм вылӧ кабала либӧ Россия Федерацияса гражданинлӧн суйӧрсайса канму мутасын пыр олӧм вылӧ инӧд эскӧдан мӧд документ. Коми Республикаса Юралысьлы федеральнӧй оланпасӧн урчитӧм пӧрадок серти оз позь восьтавны да кутны тшӧтъяс (вкладъяс), видзны кивыв сӧм да озырлун Россия Федерацияса мутас сайын суйӧрсайса банкьясын.».

5. 92 статья гижны тадзи:

«92 статья

Коми Республикаын меставывса асвеськӧдлӧмсӧ збыльмӧдӧны муниципальнӧй юкӧнъяс, кодъяслысь сикасьяссӧ урчитӧ федеральнӧй оланпас.

Муниципальнӧй юкӧнъяслысь мутассӧ урчитӧны сэтчӧс история да традиция тӧд вылӧ босьтӧмӧн.

Коми Республикаын меставывса асвеськӧдлан органъяслысь тэчассӧ урчитӧны олысьясыс асьныс Россия Федерацияын меставывса асвеськӧдлӧм котыртӧмлӧн федеральнӧй оланпасӧн урчитӧм ӧтувъя юрподувъяс серти.

Коми Республикаса канму власьт органъяс вермӧны федеральнӧй оланпасӧн урчитӧм пӧрадокӧн да случайясын пырӧдчыны Коми Республикаын меставывса асвеськӧдлан органъяс лӧсьӧдӧмӧ, чинӧ пуктыны да чинысь вештыны Коми Республикаын меставывса асвеськӧдлӧмлысь чина йӧзӧс.

Мутасьяслысь мудорсӧ, кӧнӧ збыльмӧдӧны Коми Республикаын меставывса асвеськӧдлӧм, позьӧ вежны тайӧ мутасьясын олысьяслысь

видзодлассö тöд вылö босьтöмөн федеральнöй оланпасөн урчитöм пöрадок серти.».

6. Содтыны татшöм сюрöса 92¹ статья:

«92¹ статья

Коми Республикаын меставывса асвеськöдлан органьяс асьныс веськöдлöны муниципальной эмбурөн, лöсьöдöны, вынсьöдöны да видзöны меставывса сьöмкуд, лöсьöдöны меставывса вот да öктас, пöртöны олöмö меставывса тöдчанлуна мукöд юалöм, а сідзжö федеральнöй оланпас серти могмöдöны аслас компетенцияын медицина отсöглысь судзанлунсö.

Коми Республикаын меставывса асвеськöдлан органьяслы федеральнöй оланпас, Коми Республикаса оланпас серти вермöны сетны торья канму уджмогьяс сэк, кор налы вичмöдöны татшöм уджмогьяс збыльмöдöм вылö колана материальнöй средствояс да сьöм.

Коми Республикаын меставывса асвеськöдлан органьяс да канму власьт органьяс Россия Федерацияса Оланподув серти пырöны Россия Федерацияын публичнöй власьтлөн öтувья тэчасö да збыльмöдöны öтувья уджсö тайö мутасса йöзлысь олöмсö бурмöдöм могысь.».

7. 7 юрпаслысь нимсö гижны тадзи:

«7 юрпас. ЁРД ВЛАСЬТ».

8. 99 статья киритны.

9. 100 статья киритны.

2 статья. Тайö Оланпасыс вынсялö сійöс официальнöя йöзöдöмсянь дас лун кольöм мысти.

Коми Республикаса Юралысь

В.В. Уйба

Сыктывкар

2020 вося öшым тöлысь 4 лун

84-РЗ №